



Title	漢詩
Author(s)	鈴木, 虎雄
Citation	懷徳. 1937, 15, p. 65-67
Version Type	VoR
URL	https://hdl.handle.net/11094/88978
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

漢詩

行樂社五壽會席上放歌

豹軒 鈴木虎雄

丁丑紀元節、會于杉野僊山宅、爲五賓壽、久保檜谷七十七歲、高瀬惺軒、寺町愛山、高橋棲眞各七十歲、瀬川犇山六十一歲、

洛陽山水景絕好。樂社人物抵珍寶。社盟訂後踰廿年。此日同時壽五老。檜谷先生懷仙胎。喜壽紅暖玉顏開。去歲參尾乘秋霽。著屐踏破碧崔嵬。古稀瞿鑠惺軒翁。行疾宛有地仙風。非積王學鍊磨力。定是恪守些字功。愛山高臥宕山隅。閉戶不窺上下湖。一聞城中同社檄。藜杖掛瓢倉皇趨。棲眞居士道骨尊。看山臨水役吟魂。育德育英樂已極。施仁又假觸手溫。犇山養財本利他。緒餘遊藝墨常磨。對窗寫去松梅竹。背囊收來雪月花。通計五君齡數者。三百四十八冬夏。無用別處求仙鄉。桃花源源在行樂社。

賞庭櫻四首

六六

牆上櫻開天氣新。兩株裝做滿園春。晴鳩有意來同賞。雙伴花前閒詠人。
林苑無人高捲帷。日懸櫻樹最繁枝。手案茶竈東軒下。坐待松風蟹眼時。
短髮對花花不語。嬌容向我我憐春。何須死傍要離塚。願作香雲埋骨人。
櫻正酣時風又斜。春光明日到天涯。詩人無力留青駕。獨倚闌干着晚花。

又二首

樹上樹下花盡發。千枝萬枝展開春。流連光景方今是。風雨明朝愁殺人。
東樓闌角彩雲斜。掩映山巔及水涯。說到繁華輸一着。春風二十四番花。

奉賀佐佐木

信綱 博士蒙賜文化章 天長節

言葉詞華燦有光。夙將歌道苦闡揚。柏園今見輝天橋。先 賜新成文化章。

竹柏園主人佐佐木博士。招飲芝山三緣亭。席上率吟。敬贈。

百花競豔瞥眼空。萬葉吐燄綠濛濛。主人海內文章伯。置酒芝山坐林叢。掛壁琳琅古香溢。指點一一親稱述。賓客陶然飲醇和。琥珀滿盞甘似蜜。主人講藝五十年。

鼓吹風雅駕昔賢。請看朝廷錄偉績。橘花勳章頌最先。

蕃山堂息游軒

在江州栗原

庭上。觀忠孝碑。碑刻忠孝友和信五大字、高瀨惺軒博士所書

背嶽面湖先哲祠。息游林苑得良師。省躬願去心中賊。瞻仰無慙忠孝碑。

北游詠懷五首

秋 月 胤

繼

平泉懷古

颯颯金風拂客衣。平泉址畔思依依。欲尋千百年前事。彼黍離離鴉亂飛。

望岩木山

峯彼孱顏峻聳天。延延數里麓林連。雄姿宛大芙蓉似。推唱喧傳非偶然。

弘前仲秋觀月

日沒桑榆暮靄收。滿天爽氣入仲秋。今宵何幸遭良夜。月照悠悠北奧州。

望日本海

北西決皆水天清。日海洋洋波不驚。好事生端彼何者。神州元是愛和平。

驕虜意圖不可知。無虞之備最攸宜。日東男子須深警。豈使彼窺神國爲。